

Mer bruche keiner

(Melodie: Mer bruche keiner/Bläck Fööss)

Mer bruche keiner – keiner dä uns sät,
dat et met spare besser weede dät.
Mer bruche keiner, dä de Schnüss opmää,
dä vun de Bonze jesponsert weed.

Denn mir han selver Kopp jenoach.
Un räschne künne mer och.
Dröm wisse mer, dat es doch all Stuss
un mir sage, wie et laufe muss.

Et jitt jo Lück, die wulle immer mieh han als
andre ...

Jo – dat kennt mer jo!
Die Jecke han doch bloß en Ätz am wandre.
Jo – och dat es wohr!
Die Superreische jon öwwer Leische,
dat sin doch Zombies, zerfresse vun dä Jier.

Mer bruche keiner – keiner dä uns sät (...)

Denn wir han selver Kopp jenoach
un räschne künne mer och.
Dröm wisse mer, dat es doch all Stuss
un mir sage, wie et laufe muss:

Jetzt Umfairteilen, Umfairteilen!
Et es jenoach für alle Minsche do.
Jetzt Umfairteilen, Umfairteilen!
Ihr hat uns fies bekläut, dat es doch klar!

Dann jitt es Lück, die nennt mer Volksvertreter.
Jo – dat weiß mer jo!
Die han für uns doch nur dä schwazze Peter.
Jo – och dat es wohr!
Se dun uns schmeischle vor de Wahle,
doch sin se dran, darfst du nur bezahle!

Mer bruche keiner – keiner dä uns sät (...)

Mir han ne Masse Toleranz,
drüm Jeck loss Jeck elans.
Doch dat es einfach ze vill!
Mer mache Schluss mit däm bedrisse Spiel.

Ahl Säu Ahl Säu Ahl Säu Ahl Säu!
Ahl Säu Ahl Säu Ahl Säu Ahl Säu!

Denn he in Kölle weed jedanz,
drüm Jeck loss Jeck elans.
Eines Dachs kütt jeder an de Reih;
am Äschermettwoch is alles vorbei.

Jetzt Umverteilen, Umfairteilen!
Et ist jenoach für alle Minsche do.
Jetzt Umfairteilen, Umfairteilen!
Söns han mer all verkackt dat es doch klar!

Nur nit Kreeschslüje traue

(Melodie: Nur nicht aus Liebe weinen/Brings)

Zwei Krieje worn jrad eetz verloore,
de Welt enem Schutthaufe jlisch.
Do hadde se äänzhaff jeschwore:
Met uns jiddet nie widder Kreesch.

Hück stonn widder deutsche Soldate
met Waffe op fremdem Jebiet.
Un es der Schwur eetz verrate,
es et dat alte Lied.

Loss disch bloß nit verführe,
wenn se de Kreeschstrommle widder rühre
für Menschenrechte und Demokratie.
Jläuv sujet bloß nit, dat stimp doch nie!

Un doröm: nur nit Kreeschslüje traue,
se weede Hätz un Verstand dir klaue.
Un wenn de merks, dat sin doch Lüjerein:
Mach nit met un sach nein!

Mache mer't, wie't mol jewäse,
su wie et de Funke jedonn:
„Wie kutt ihr dann schieße“ roofe,
süht ihr nit, dat do Minsche stonn!

Jetzt dunn misch ne Dräumer jän schänge
un dat et su einfach nit es.
Doch dat Bombe Fridde uns bringe,
dä jröß're Blödsinn es.

Loss disch..... / 3x

Pappnasen rot-schwarz 2017

Wenn uns Pänz ihr Zokunft
sinn: Dat haut se us de Söck.

Du drinks keine met

(Melodie: Drink doch eine met/Black Fööss)

Ne junge Mann steiht für däm Arbeitsamp,
dä su jän ens in de Lihr jonn wöllt.
Doch für ihn, do jiddet keine Job,
wie hä sich och bemöht.

Im Bonzeveedel is de Stimmung groß,
äwver keiner süht dä junge Mann.
Hauptsach es, uns' Rendite stemp,
dä Rest jeit uns nix an.

Refrain 1:
Du drinks keine met, stell dich hinge ahn!
Steihste halt de janze Zick eröm!
Zwischenruf: Hähä – Pesch jehabt!
Häste och kei Jeld, is uns scheißejal
Kriß' Hartz 4, mer kömm're uns nit dröm!

Refrain 2:
Dat soziale Netz, dat es eng jenoach,
wieso flötschs denn du do immer dursch?
Zwischenruf: Hähä – Pesch jehabt!
Streng disch einfach ahn, dann krisste och jet
hin,
und wenn nit, dann isset uns och woosch!

Ärme Pänz de spille op dä Stroß,
de Rische han 'ne eijene Pool,
denne sin doch die and're scheißejal,
Donn ihr Pänz op de Eliteschull

Refrain 1
Refrain 2
Refrain 1
Refrain 2



Haifischzahn-Kohlewahnlied

(Melodie: Haifischzahn/Hanak)

• Lala (1x)

Se stelln schon vill ze lange de Ääd op dä Kopp
Se ruiniern dat Klima, ja dat is ääsch beklopp.
In Hambach weed dä Wald jefällt, weil RWE de Zick
verpennt
und all dat nur für Kohle un et Jeld.

• Doch hüek kütt unsre Daach, mir stelle uns
quer,
de janze Wachstumsirrsinn, de wulle mer nie
mehr.

Mir ziehe üsch de Kohlezahn für en schönes
Laache.
denn wenn nit mir, wer anderes wööd dat für uns
maache?
Mir springe all von Baum ze Baum, de Wald bliev
stonn, du jläuvst et kaum
un baue ene neue Welt met dir.

• Lala (1x)

Vom Tagebau in Hambach weht Feinstaub he zu uns
och uss däm Schlot in Merkenich kütt reischlich Jift
eruss.
De Pänz de krieje Pseudokrupp, da stonn mer janze
und jar nit drupp.
drum mach mer mit de Kohle endlisch Schluss.

• Jo hüek kütt unsre Daach, mir stelle uns quer,
de janze Wachstumsirrsinn, de wulle mer nie
mehr.

Jo mir blockiern de Kohlebahn vüür en joodes
Lääve.
De Bagger solln nit wigger fahrn, weil mir am
Lääve klääwe.
Der Fahrer vun de Kohlebahn, och dä will doch
kein Asthma han
un doröm stonn mer hüek och alle he

• Lala (2x)

De Meere steije hüher un Länder suffe ab.
De Wüste weede jrößer und Drinkwasser weed
knapp.
De Ääd is wie en Flipperkugel, die noh unge fälltl.
Wenn mir dat nit verhindere, wenn keiner se
opphält.

• Jo hüek kütt unsre Daach, mir stelle uns
quer
de janze Wachstumsirrsinn, de wulle mer nie
mehr.

Drum Schluss jetz mit däm Kohlewahn vüür en
joodes Lääve.
De Bagger solln nit wigger fahrn, weil mir am
Lääve klääwe.
Mir steije us dem Hamsterrad, dä Tagebau
weed discht jemaat.
dann fiere mir en großes Fest met dir.

• Lala (2x)

Oh Demokratie

(Melodie: Oh Kathrin/Black Fööss)

Demokratie ess en janz zart Pflänzje,
et jedeiht nur, wenn mer et jieß'.
Doch sick Joore, do däät se verdrüje,
ze ihr sin' se alle nur fies.
Dann wor sie – schwach wie nie
Lobbyiste, die wore so frei
Se kouffe sich Macht,
han' uns alle verlacht.
Dat es ene escht' Sauerei!

• Oh Demokratie, m'r han' Disch verlore
Verlore an't Jeld.
Oh Demokratie, se han' sich verschwore
jäje Disch op d'r Welt.
M'r wullte niimols im Lääve ohne Disch mieh
sin (nur Frauen)
Doch op eimol, do warste plötzlisch hi-in...

Se wulln Disch met TTIP betrüje
Han nur ihr' Profite im Sinn.
Uns Bürjer, uns dunn se belüje:
Wo führt dat alles nur hin?
Zu so Köpp - fiese Möpp -
Populiste maache sich breit:
Se dunn intrijiere
Un wulln profitiere
Bald isset ald widder so weit ...

• Oh Demokratie, m'r han' Disch verlore
Verlore an't Jeld.
Oh Demokratie, se han' sich verschwore
Jäje Disch op d'r Welt.
(nur Frauen) M'r wullte niimols im Lääve
ohne Disch mieh sin.
Doch op eimol, do warste plötzlisch hi-in...

Gesprochen:
Oh Demokratie!
De Saach mit däm dreckelije Orban künne mir
nit verjesse;
och de Jeschichte mit däm Brexit;
Doch dat dann och noch Trump jewählt wood un
Erdowahn jeputsch hätt
Un dat Rassistepack vun d'r AFD immer stärker
weed –
Gesungen:
**Dat ess keine Spass, m'r jonn op de Stroß,
nur für DISCH, DISCH, DISCH...**

Schlussrefrain (3x, das 1. und 3. Mal gesungen,
das 2. Mal als Sprechtext):

• Oh Demokratie, Do wees' neu jebore
mit uns all op d'r Welt.
Oh Demokratie, m'r han uns jeschwore:
Do bess mieh wert wie Jeld!
(nur Frauen) M'r wulln niimols im Lääve
ohne Disch mieh sin!
Denn nur mit Dir määt dat Lääve wirklich Si-
inn.

v.i.S.d.P.: Kai Beutler (Pappnasen rot-schwarz)